

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA SREBRENİK  
-Općinski načelnik-**

Broj: 07-3065-8/16

Datum, 10. 08. 2016. godine

Općinski načelnik općine Srebrenik na osnovu člana 68. stav (1), i člana 72. stav (3), tačka b), Zakona o javnim nabavkama Bosne i Hercegovine («Službeni glasnik BiH», broj: 39/14) i čl. 38. i 118. Statuta općine Srebrenik („Službeni glasnik općine Srebrenik“, broj: 1/08), d o n o s i:

## **O D L U K U**

### **I**

O d b a c u j e se ponuda ponuđača **Institut za građevinarstvo “IG” Banja Luka** broj: 2933-1/16 od 28.07.2016. godine za LOT 2 - **Izrada projektno-tehničke dokumentacije za izgradnju objekata socijalnog stanovanja u Špionici** kao neprihvatljiva.

### **II**

D o d j e l j u j e se ugovor ponuđaču **“INDUSTROPROJEKT” AD Prijedor**, ponuda broj: 01-304/16 od 28.07.2016. godine, u ukupnom iznosu od **17.699,76 KM sa PDV-om**.

### **III**

Ponuđač **“INDUSTROPROJEKT” AD Prijedor** je dužan u roku od 5 dana od dana prijema ove odluke, dostaviti dokaze po članu 45. stav (2) Zakona o javnim nabavkama, a kako je navedeno u tački 3.2. predmetnog Konkurentskog zahtjeva za dostavljanje ponuda broj: 07-3065-2/16 od 21. 07. 2016. godine.

### **IV**

Ova odluka objavit će se na web-stranici [www.srebrenik.ba](http://www.srebrenik.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

## **OBRAZLOŽENJE**

Na osnovu Konkurentskog zahtjeva za dostavljanje ponuda broj: 07-3065-2/16 od 21. 07. 2016. godine, objavljenom na Portalu javnih nabavki, obavještenje o nabavci br. 761-7-2-88-3-44/16 od 22. 07. 2016. godine, proveden je postupak prikupljanja ponuda za javnu nabavku za *LOT 2-Izrada projektno-tehničke dokumentacije za izgradnju objekata socijalnog stanovanja u Špionici*.

Ugovorni organ je na osnovu prijedloga komisije broj: 07-3065-3/16 od 04. 08. 2016. godine, donio Odluku o izboru najpovoljnijeg ponuđača broj: 07-3065-4/16 od 04. 08. 2016. godine i ugovor za LOT 2 dodijelio ponuđaču Institut za građevinarstvo “IG” Banja Luka.

U tački 3. 2. predmetnog Konkurentskog zahtjeva za dostavu ponuda za nabavku usluga, propisano je da će ponuđač koji bude izabran kao najpovoljniji i kojem se odlukom dodijeli ugovor u ovom postupku javne nabavke, dostaviti sljedeće dokaze u svrhu dokazivanja činjenica potvrđenih u izjavi, i to:

**a)** izvod iz kaznene evidencije - da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, za ponuđače iz BiH u skladu sa važećim propisima u Bosni i Hercegovini (**potvrdu izdaje Sud Bosne i Hercegovine**) ili za ponuđače izvan BiH u skladu sa propisima zemlje iz koje dolazi;

**b)** izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije, na osnovu koje se može utvrditi da u skladu sa zakonskim propisima uredno izmiruje obaveze za penzijsko i invalidsko osiguranje i zdravstveno osiguranje;

d) potvrde nadležnih organa o uredno izmirenim obavezama po osnovu direktnih i indirektnih poreza.

Ukoliko ponuđač ne dostavi predmetne dokumente na način kako je propisano u tački 3.2. predmetnog konkurentskog zahtjeva, ugovorni organ je propisao da će se ponuda odbaciti kao neprihvatljiva i ugovor će se dodijeliti ponuđaču čija je ponuda po rang-listi odmah nakon ponude najuspješnijeg ponuđača.

Ponuđač **Institut za građevinarstvo "IG" Banja Luka** je u koverti, koja je protokolirana pod našim brojem 07-3065/16 dana 05. 08. 2016. godine u 10,46 sati, dostavio sljedeće dokaze: poresko uvjerenje broj: 06/1.02/0704-455-2.1-41418/16 od 24.06.2016. godine izdato od Ministarstva finansija Republike Srpske, Poreska uprava, Područni centar Banja Luka; uvjerenje broj: 02/6-I-16-11-24-6004/16 od 01.07.2016. godine, izdato od Uprave za indirektno-neizravno oporezivanje Banja Luka; uvjerenje broj: 057-0-SU-II-16-001688 od 21.06.2016. godine, Okružnog Privrednog suda Banja Luka, kojim se dokazuje da ponuđač Institut za građevinarstvo "IG" Banja Luka, nije pod stečajem niti je predmet proglašenja stečajnog postupka, nije predmet postupka likvidacije niti je u postupku obustavljanja poslovne djelatnosti, u skladu s relevantnim zakonima i propisima u Bosni i Hercegovini ili u zemlji u kojoj je registrovan; i uvjerenje broj: 071-0-Su-I-16-001699 od 22.06.2016. godine, Osnovni Sud u Banjoj Luci, kojim se potvrđuje da protiv pravnog lica Institut za građevinarstvo "IG" Banja Luka, **pred Osnovnim sudom u Banjaluci** nije podignuta optužnica koja je stupila na pravnu snagu i nije izrečena pravosnažna presuda u krivičnom postupku, kojom se osuđuje za krivično djelo učešća u kriminalnoj organizaciji, za korupciju, prevaru ili pranje novca.

U gore navedenoj dokumentaciji, ponuđač je dostavio i uvjerenje Osnovnog suda u Banjoj Luci broj: 071-0-Su-I-16-001699 od 22.06.2016. godine, ovjerena kopija, kojom Osnovni sud u Banjaluci potvrđuje da protiv pravnog lica Institut za građevinarstvo "IG" Banja Luka, **pred Osnovnim sudom u Banjaluci** nije podignuta optužnica koja je stupila na pravnu snagu i nije izrečena pravosnažna presuda u krivičnom postupku, kojom se osuđuje za krivično djelo učešća u kriminalnoj organizaciji, za korupciju, prevaru ili pranje novca.

U tački 3. 2. predmetnog Konkurentskog zahtjeva za dostavu ponuda za nabavku usluga, Ugovorni organ je u podtački a) propisao da je ponuđač dužan u svrhu dokazivanja lične sposobnosti dostaviti dokaz "izvod iz kaznene evidencije – da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, **za ponuđače iz BiH u skladu sa važećim propisima u Bosni i Hercegovini (potvrdu izdaje Sud Bosne i Hercegovine)** ili za ponuđače izvan BiH u skladu sa propisima zemlje iz koje dolazi".

U aktu broj: 07-3065-6/16 od 04.08.2016. godine, koji je dostavljen ponuđaču Institut za građevinarstvo "IG" Banja Luka, od istog je traženo da dostavi dokaze po članu 45. stav (2) Zakona o javnim nabavkama BiH, a kako je navedeno u tački 3.2. predmetnog Konkurentskog zahtjeva za dostavljanje ponuda broj: 07-3065-2/16 od 21. 07. 2016. godine.

Komisija za javne nabavke, nakon što je pregledala dokaze koje je dostavio ponuđač **Institut za građevinarstvo "IG" Banja Luka**, je konstatovala da je ponuđač propustio dostaviti dokaz iz člana 45. stav 2 tačka a) Zakona o javnim nabavkama, i tačke 3.2. pod a) predmetnog Konkurentskog zahtjeva za dostavljanje ponuda broj: 07-3065-2/16 od 21. 07. 2016. godine, jer ponuđač **nije dostavio potvrdu Suda Bosne i Hercegovine**, te je predložila ugovornom organu da se ponuda ponuđača **Institut za građevinarstvo "IG" Banja Luka** u skladu sa članom 68, stav 1. Zakona o javnim nabavkama BiH odbaci kao neprihvatljiva, a što je i prihvaćeno.

Komisija je predložila Ugovornom organu da u skladu sa članom 72 stav 3. tačka b) Zakona o javnim nabavkama i tačkom 3. 2. predmetnog Konkurentskog zahtjeva za dostavljanje ponuda dodijeli ugovor za LOT 2 - **Izrada projektno-tehničke dokumentacije za izgradnju objekata socijalnog stanovanja u Špionici** ponuđaču **"INDUSTROPROJEKT" AD Prijedor** u ukupnom

iznosu od 17.699,76 KM sa PDV-om, a čija je ponuda po rang-listi odmah nakon ponude ponuđača Institut za građevinarstvo "IG" Banja Luka, što je i prihvaćeno.


**POUKA O PRAVNOM LIJEKU:**

Protiv ove odluke može se izjaviti žalba u roku od 5 (pet) dana od dana prijema odluke.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom. Žalba se podnosi u najmanje tri primjerka.

Dostavljeno:

1. Ponuđačima 8x,
2. Evidenciji,
3. Arhivi.



**OPĆENSKI NAČELNIK**

**Dr. sci. Nihad Omerović**